

7.

Biltzar Nagusia

EUSKAL HERRIA GORRIRA
**Aldaketa borrokaz
borroka eragin**

Biltzarreko araudia Normativa Congresual




Zbkia

TXT 20188

DOKUMENTAZIO
ZENTROA

2008ko maiatzaren 22 eta 23an. Barakaldo



Biltzarra burutzeko metodologia

1. Biltzarraren hasiera

Nazio Komitea arduratuko da Biltzarra gidatzeaz, harik eta 7. Biltzarreko saioak zuzenduko dituen mahaia aukeratua izan arte. Nazio Komiteak hasiera emango dio ofizialki eztabaidari, eta Kudeaketa Txostenaren onartzeaz eta Biltzarreko Mahaia aukeratzeaz arduratuko da.

2. Araudiaren onapena

Nazio Komiteak Biltzar Nagudiari araudia aurkeztuko dio, oniritzia eman diezaion. Araudi hau aldeztu aurretik Nazio Biltzarrak onartua izan beharko da.

3. Kudeaketa txostenaren aurkezpena, eztabaida eta onarpena

Nazio Komiteak Biltzarrari Kudeaketa Txostena aurkeztuko dio eztabaidatzeko eta, egokia balitz, onartzeko. Kudeaketa txosten hau biltzarkideen esku egongo da hasi baino aste bi lehenago.

4. Mahaia hautaketa

Nazio Komiteak mahaia proposatuko dio Biltzarrari aztertu dezan. Proposamen hau aldeztu aurretik Nazio Biltzarrak onartua izan beharko da.

Biltzarreko Mahaia mahaiburuak eta zortzi kidek osatuko dute. Pertsona hauek aukeratzeko orduan, lurralde, sektore, genero, adin eta abarreko irizpideak kontuan hartuko dira. Mahaiak euskara hutsean arituko da eta bere funtzioak kide guztien artean banatuko ditu.

Biltzarreko Mahaia behin aukeratuta, kargua uzten duen Nazio Komiteak bere funtzioak utzi eta Mahaiak berak hartuko du ordezkaritza ardura zein Biltzar Nagusiaren garapenari dagozkion kontu guztien ardura.

Mahaikideren batek emendakinen bat aurkeztu izan balu, honen defentsa onartuko duen biltzarkideren baten esku utzi beharko du. Azken hau ezingo da Emendakin Taldekoa izan.

5. Ponentzien eta emendakinen eztabaida eta onarpena

Ponentzia aurkeztu ondoren, emendakinak eztabaidatzeko eta erabakitzeko ordena ondoko hau izango da: lehenbiziz osoko emendakinak eta ondoren partzialak, prozedura honen arabera:

- 1.- Emendagileak emendakina aurkeztu
- 2.- Ponentzia taldearen jarrera
- 3.- Biltzarkideen eztabaida
- 4.- Emendakinaren egileen interbentzioa
- 5.- Ponentziagileen interbentzioa
- 6.- Bozketa

Emendakin taldeak onartu dituen emendakinak zuzenean bozkatzeari ekin ahal izango zaio. Emendakina egin duenak edo emendakin taldeak, egoki ikusten badute, aldeztu aurretik azaldu ahal izango dituzte.

Biltzarreko araudia

2008ko maiatzaren 22 eta 23an. Barakaldo

6. Bozketak

Biltzarkideek boto bana eman ahal izango dute. Boto hau ezin izango zaio inolaz ere beste bati delegatu.

Biltzar Nagusiko erabakiak honelaxe hartuko dira:

- Estatutuetan aurreikusitako gehiengo kualifikatuaren beharra dagoenean erabaki bat hartzeko, botoak zenbatu egingo dira.
- Osoko emendakin bat onartzeko, biltzarkideen boto guztien erdia gehi bat lortu beharko ditu.
- Gainontzeko bozketetan, momentuan presente dauden biltzarkideen gehiengo sinpleaz hartuko dira erabakiak. Biltzarkideen kopuru erdia gehi bat egon behar dira presente.
- Bozketetan gehiengo mahaiaren irizpidez nabaria balitz, hori nahikoa izango da onartzeko, ez bada biltzarkideren batek botoak zenbatzeko eskatzen duela.
- Nazio Komitea aukeratzeko bozketa sekretua izango da.

Eztabaidara ekarritako ponentziak, onartutako emendakinekin batera, Biltzar Nagusian bozkatuko dira. Behin betiko onartzeko, bozketan parte hartzen duten biltzarkideen erdiak gehi batek horrela bozkatu behar ditu.

7. Nazio Komitearen aukeraketa

Nazio Komiteak, Biltzarra baino bi aste lehenago, aldaketak eta zuzendaritza berriaren proposamena aurkeztuko dio militantziari. Proposamen honetan gutxienez pertsona bakoitzaren izen-abizenak zein arduretarako proposatzen den adierazi beharko da.

Biltzarreko Mahaia aukeratu bezain laster, proposamen hau jakinaraziko zaio. Biltzarreko Mahaiak, era berean, Biltzar Nagusiari emago dio honen berri. Momentu horretatik aurrera eta egun bereko 19:00ak arte hautagai-zerrendak aurkezteko aukera egongo da.

Hautagai-zerrenda alternatiboak aurkeztu ahal izateko, antolakuntza ponentzian agertzen diren Nazio Komiteko ardura guztiak aurreikusteaz gain, biltzarkideen %10ek eman behar du sinadura zerrenda hori abalatzeko. Argi denez, proposatuko lagunak ados egon behar dira. Inork ezin izango du parte hartu zerrenda batean baino gehiagotan.

Zerrenda bat baino gehiago aurkeztuko balitz, guztien arteko bozketa sekretua egingo litzateke. Biltzarkide guztien botoen erdia gehi bat lortuko litzuzkeen zerrenda izango litzateke aukeratua.

Lehenbiziko bozketa honetan zerrenda batek ere ez balu beharrezko botorik lortuko, bigarren bozketa bat burutuko litzateke. Boto gehien lortuko litzuzkeen zerrenda izango litzakete aukeratua.

Hautagai-zerrenda bakarra balego, Biltzar Nagusiak zerrenda osoaren bozketa sekretua egingo luke. Onartua izateko, lehenbiziko bozketan biltzarkide guztien botoen erdia gehi bat lortu beharko ditu; bigarren bozketan gehiengo sinpleaz onartuko da.

8. Jakinarazpenak

Sindikatu egiturek, lurraldeetakoek zein sektoreetakoek, Biltzarreko Mahaiari egoki ikusten dituzten komunikatu guztiak helarazi ahal izango dizkiote euskarri informatikoan. Komunikatu hauek ezin dira izan ponentzien edukinen ingurukoak. Biltzarreko Mahaiak denak aztertuko ditu eta zelan jokatu erabakiko du.

9. Biltzar Nagusiaren garapena

Nazio Komiteak Biltzar Nagusia behar bezala burutzen dela bermatuko du. Horretarako behar diren giza baliabideak eta baliabide teknikoak jarriko ditu eta, gainera, hilabete lehenago biltzarkideei ondoko gai hauek, beste baztuen artean, informatuko die:

- Biltzarkideen kreditazioa. Nola eta non.
- Biltzar Nagusiaren ordutegia
- Amaiera ekitaldia
- Gonbidatutako ordezkarien berri
- Kontu teknikoak: bat-bateko itzulpena, biltzarkideen kokapena...

Euskal Herria, 2007ko Urria